

L'ANGOLO DELLA POESIA

# UREN TANTI AN FA'

*Urèn, ul nost paes,  
l'era circondà da muron  
e da sces.  
Una piazza, quater Cuntrad;*

*andà in vers Arcur  
un stradon;  
e in Varisela  
ul stracioeu in d'un cantòn.*

*Vivevan tucc in pas,  
sta buna gent,  
ma da bon  
gh'avevan propri nient.*

*Curavan i vac, i buscet,  
i gaèn e i cavale,  
e quand pudevan, i bagaj  
che gh'avevan adrè.*

*La scena, che fasevan sul fugurà  
a la sira, l'era subit spartida:  
minestra, pan giald  
o pulenta rustida.*

*Andavan foeù,  
in mez a la piana  
a tajà 'l pra,  
e difencilment restavan malà.*

*Tant poc vera che un dutùr  
al scusava per Velasca e Urèn;  
e quand al fiucava,  
andava a pè in di casèn.*

*Se propri un quej vùn  
al restava malà  
e ne pudeva pù  
al guarivan*

*con ul pàn mojà  
e con l'acqua  
del terz aves  
per tiral sù.*

*Ma durant l'an  
vegneva per lòr  
ul dì del gran dulur  
quand duvevan purtà*

*galett, furment  
e capòn  
al sciur padròn.  
Ma se i nost vecc*

*adess riturnarìan,  
disarian: adess anca num  
sem diventà sciur;  
ringraziem de coeur ul Signur!*

**Francesco Lissoni**

